

COMISIÓN INFORMATIVA DE RETO DEMOGRÁFICO, IGUALDADE, BENESTAR E EMPREGO

ACTA da mencionada comisión informativa, correspondente ao día **12 de decembro de 2019**

Na sala de xuntas do Pazo Provincial da Deputación de Ourense, ás 17.00 horas do día 12 de decembro de 2019, reúnese a comisión informativa de Reto Demográfico, Igualdade, Benestar e Emprego, coa asistencia dos seguintes deputados e deputadas:

Presidenta: D.^a Luz Doporto Real

Deputados/as do Grupo Popular:

D.^a Consuelo Vispo Seara

D. Álvaro José Fernández López

D.^a Ana Patricia Torres Madureira

D. César Manuel Fernández Gil

Deputados/as do Grupo Socialista:

D.^a Margarita Pérez Fernández

D.^a Susana Rodríguez Estévez

D.^a Elvira Lama Fernández

Deputado de Democracia Ourensana:

D. José Miguel Caride Domínguez

Deputado do BNG: D. Bernardo Varela López

Deputada de Ciudadanos-Partido de la Ciudadanía: D.^a Montserrat Lama Nóvoa

Secretario: D. Juan Marquina Fuentes

Interventor: D. José Mosquera Casero

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 21 DE NOVIEMBRE DE 2019.-

Pola Secretaría Xeral deuse traslado do borrador da acta anterior, correspondente á ordinaria do día 21 de novembro de 2019.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa de Reto Demográfico, Igualdade, Benetar e Emprego do día 21 de novembro de 2019, conforme co borrador elaborado pola Secretaría Xeral.

2º.- PROGRAMA BENOURENSE PERSOAL TÉCNICO 2020.-

O Sr. vicesecretario expón o contido do programa.

D.^a Montserrat Lama Nóvoa, portavoz de Ciudadanos-Partido de la Ciudadanía, entende que é un programa moi oportuno e no que se inclúe o criterio da poboación dos concellos á hora do seu financiamento, polo que insta ao grupo de goberno a que o dito criterio da poboación municipal se estenda ao resto de programas de cooperación.

D. Bernardo Varela López, portavoz do BNG, lembra que a competencia en materia de servizos sociais é autonómica e que se debe insistir en que este tipo de servizos deben ser financiados integramente pola Administración Autonómica. Tanto para a Deputación como para os concellos son competencias impropias, se ben considera positiva a achega que realiza a Deputación.

D. José Miguel Caride Domínguez, portavoz de Democracia Ourensana, indica que o seu voto vai ser a favor do programa.

D.^a Elvira Lama Fernández, do Grupo Socialista, insiste igualmente no feito de que debe ser a Xunta de Galicia a que financie os servizos sociais. Lembra que a Lei de dependencia obriga ás comunidades autónomas a prestar os ditos servizos, polo que deben ser estas as que asuman a maior parte dos investimentos, lembrando que unha provincia envellecida e con moita dispersión poboacional como a nosa necesita maior respaldo económico da Xunta de Galicia. Conclúe indicando que ve procedente a cooperación que se presenta desde a Deputación e anuncia que reservan o voto para o Pleno.

A **presidenta da comisión** indica que a Deputación, como fixo en anos anteriores a través deste programa, busca cooperar cos concellos da provincia nunha materia tan importante como o programa de servizos sociais, intentando con isto mellorar a prestación e a calidade dos servizos sociais municipais.

Non se producen máis intervencións e co voto favorable do Grupo Popular (5), de Democracia Ourensana (1) e de Ciudadanos-Partido de la Ciudadanía (1) e a abstención do

Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1.- Aprobar inicialmente as bases reguladoras do programa BenOurense Persoal Técnico 2020, co seguinte teor literal:

I) Bases xerais:

A) Obxecto e alcance do Programa:

Constitúe o obxecto do presente Programa Provincial de Asistencia Económica, Técnica e Xurídica aos Concellos en materia de Servizos Sociais Comunitarios para o exercicio 2020, denominado Programa BenOurense Persoal Técnico, o establecemento, de xeito integral e detallado, regulando os trámites para a súa total execución, das accións que lle corresponde desenvolver á Deputación Provincial de Ourense en virtude das competencias atribuídas polos artigos 109.1.b) da Lei 5/1997, do 22 de xullo, de administración local de Galicia, 63 da Lei 13/2008, do 3 de decembro, de servizos sociais de Galicia e 31 do Decreto 99/2012, do 16 de marzo, modificado polo Decreto 148/2014, de 6 de novembro, polo que se regulan os servizos sociais comunitarios e o seu financiamento.

En consecuencia, e ao abeiro dos preceptos citados, o obxecto do Programa cingúese á programación detallada das accións de asistencia técnica, económica e xurídica aos concellos con menos de 20.000 habitantes na execución das súas competencias en materia de servizos sociais comunitarios básicos. Para estes efectos, inclúense tamén as mancomunidades intermunicipais que xestionen servizos sociais dun conxunto de municipios con menos de 20.000 habitantes, ao tratarse de meras entidades instrumentais dos concellos que exercen competencias delegadas por aqueles.

Tendo en conta o disposto no artigo 31.3 do Decreto 99/2012, do 16 de marzo, este Programa refírese á

1. Acción 1ª.asistencia económica, co obxecto de garantir o financiamento aos concellos e mancomunidades de menos de 20.000 habitantes para a contratación ou nomeamento de persoal técnico dos equipos municipais de servizos sociais comunitarios con perfís profesionais diferentes e complementarios ao de traballador/a social.
2. Acción 2ª: asistencia técnica e xurídica en materia de servizos sociais, complementaria da asistencia económica. Esta prestación levarase a cabo por persoal da Área de Benestar da Deputación, consistindo na emisión de informes técnicos e xurídicos en materia de servizos sociais. Este servizo prestarase de xeito prioritario ás entidades

loais correspondentes a áreas rurais de menos de 5.000 habitantes e rurais de alta dispersión.

B) Procedemento de adhesión dos concellos e mancomunidades.

Ao abeiro do establecido na Lei 39/2015 de 1 de outubro, do Procedemento Administrativo Común das Administracións Públicas, no artigo 14.2, a presentación de solicitudes tramitarase exclusivamente mediante o uso de medios electrónicos, sendo obrigatoria que a presentación de solicitudes sexa conforme co previsto nesta base.

Os concellos e mancomunidades interesados en participar no Programa deberán comunicarlle a súa adhesión á Deputación Provincial, mediante resolución da Alcaldía (ou órgano delegado, se é o caso), na que se manifeste expresamente a asunción das obrigas e compromisos previstos no Programa, para o que deberán utilizar obrigatoriamente os modelos facilitados pola Deputación e que deberán ser descargados na aplicación informática <http://benourense.depourense.es>.

O prazo de presentación da adhesión será de 15 días hábiles contados a partir do día seguinte ao desta publicación. A comunicación da adhesión asinaráa dixitalmente o/ alcalde/esa, presidente/a ou secretario/a da entidade local e presentarase telematicamente no Rexistro da Deputación de Ourense. Non se admitirá ningunha solicitude de adhesión formulada en data posterior.

A Deputación Provincial poderá conceder un prazo de ata 10 días hábiles para a corrección de deficiencias nas solicitudes de adhesión.

A presentación da solicitude telemática en tempo e forma determinará a adhesión da entidade local ao Programa, sen necesidade de máis trámites. Sen prexuízo do anterior, e para os efectos de publicidade, as subvencións concedidas e os seus importes declararanse expresamente mediante resolución da Presidencia que será obxecto de publicación no BOP. Nesta mesma resolución da Presidencia denegarase a adhesión a aquelas entidades cuxa solicitude non se axuste ao establecido no presente Programa ou no modelo de adhesión.

A adhesión das entidades locais beneficiarias constitúe un requisito de efectividade do Programa, polo que as entidades locais que non se adhiran no prazo sinalado no parágrafo anterior se entenderá que renuncian a participar no Programa, causando baixa automática nas súas previsións.

Coa adhesión os concellos e mancomunidades manifestarán expresamente a asunción das obrigas previstas neste programa e, de forma específica, a aceptación das normas de uso da plataforma informática <http://benourense.depourense.es> no programa para a contratación de persoal técnico.

C) Réxime xurídico das subvencións de asistencia económica previstas no presente

Programa.

De conformidade co establecido na disposición adicional 8ª da Lei xeral de subvencións e no artigo 10 da Ordenanza xeral de subvencións da Deputación de Ourense, as subvencións de asistencia económica previstas no presente Programa rexeranse polo establecido nas presentes bases, sendo as normas da Lei xeral de subvencións e da dita Ordenanza de aplicación supletoria.

Non obstante o anterior, serán de aplicación as normas xerais das subvencións da Deputación en todo o relativo á xustificación, reintegro, perda do dereito á subvención e control financeiro, no que non contradiga expresamente o establecido nas presentes bases.

D) Tramitación das subvencións de asistencia económica. Xustificación e pagamento.

Reintegro e perda do dereito ao cobro.

As subvencións previstas no presente Programa entenderanse automaticamente concedidas ás entidades locais adheridas regularmente conforme coa base B), procedéndose á súa xustificación e pagamento nos seguintes termos:

D.1) Pagamento anticipado do 70 % do importe máximo total de subvención previsto:

Antes do 1 de maio, a Deputación Provincial procederá, de oficio, ao libramento, en concepto de anticipo a xustificar, do 70 % do importe máximo de subvención total previsto a cada concello sempre que a entidade beneficiaria teña introducido no programa de seguimento da Deputación de Ourense os datos referidos ó persoal contratado ou adscrito. O 30% restante aboaráselle unha vez remitida a xustificación final conforme o previsto nestas bases.

Para o libramento do anticipo da subvención as entidades beneficiarias deberán presentar declaración responsable de non estar incurso nas prohibicións previstas no artigo 13 da lei 38/2003, de 17 de novembro, xeral de subvencións para obter a condición de beneficiario/a, substituindo esta declaración á presentación de certificacións na acreditación do cumprimento das obrigas tributarias e coa Seguridade Social por tratarse dun dos supostos previstos na letra e) do artigo 31.7 da Lei 9/2007, de 13 de xuño, de subvencións de Galicia. Esta declaración farase segundo o modelo do Anexo II que se pon a disposición pola Deputación de Ourense.

D.2) Xustificación e pagamento da subvención para o financiamento de persoal técnico.

A xustificación realizarase do xeito previsto na base II.3.

D.4) Obrigas de reintegro e perda do dereito a cobro:

A Deputación Provincial poderá declarar a obriga de reintegro ou a perda do dereito ao cobro da subvención, segundo proceda, por calquera das causas previstas na lexislación xeral de subvencións e nas bases do presente programa.

Non obstante o anterior, non será necesaria a tramitación do expediente de reintegro ou de perda do dereito a cobro nos supostos en que o importe dos gastos xustificadas polas entidades locais beneficiarias sexan inferiores ás contías iniciais máximas das subvencións previstas no presente programa. Neste supostos, a cantidade que deberá aboarse reaxustarase automaticamente segundo proceda, compensándose do mesmo xeito co anticipo librado, de se-lo caso.

E) Réxime de protección de datos achegados coa solicitude.

1.- O tratamento pola Deputación Provincial dos datos persoais achegados polos solicitantes fúndase no disposto apartado c) e e) do artigo 6 do Regulamento UE 2016/679 do Parlamento Europeo e do Consello, do 27 de abril de 2016, relativo á protección das persoas físicas non que respecta ao tratamento dous datos persoais e á libre circulación destes datos, así como non artigo 6.2 da Lei orgánica 3/2018, do 5 de decembro, de protección dos datos persoais e garantía dós dereitos dixitais, ao ser a achega dous datos e informacións esixida nas presentes bases necesaria para o cumprimento do disposto na lexislación xeral de subvencións, así como para a comprobación do cumprimento dous requisitos e valoración das solicitudes consonte ao indicado nas propias bases.

En consecuencia, a negativa a facilitar estes datos á Deputación Provincial determinará a exclusión do interesado do procedemento.

2.- . En cumprimento do establecido non artigo 13 do Regulamento UE 2016/679 do Parlamento Europeo e do Consello, do 27 de abril de 2016, relativo á protección das persoas físicas non que respecta ao tratamento dous datos persoais e á libre circulación destes datos, infórmase aos interesados do seguinte:

a) O responsable do tratamento dos datos é a Deputación Provincial de Ourense, cuxo representante legal é ou seu presidente, don José Manuel Baltar Blanco, con domicilio para os efectos de notificacións na rúa Progreso, n.º 32, 32003, en Ourense, teléfono de contacto 988317600/1 e correo electrónico: gabinete.presidencia@depourense.es.

b) O delegado de protección de datos é o vicesecretario xeral da Deputación Provincial de Ourense, don Juan Marquina Fuentes, con domicilio, para os efectos de notificacións, na rúa Progreso, n.º 32, 32003, en Ourense, teléfono de contacto 988317620 e correo electrónico: dpo@depourense.es.

c) Os datos subministrados coa solicitude destínanse unicamente a garantir o cumprimento do establecido na lexislación xeral de subvencións, a comprobar que o solicitante reúne os requisitos establecidos para poder ser beneficiario. Ademais, e en cumprimento do establecido nos artigos 20 da Lei 38/2003 xeral de subvencións, 15 da Lei 9/2007, de subvencións de Galicia e 8.1.c) da Lei 19/2013, de 9 de decembro, de transparencia e bo goberno, a información relativa ás subvencións concedidas, alí prevista, será obxecto de publicación segundo prevese na normativa de aplicación. Publicaranse igualmente na sede electrónica e na páxina web provincial www.benourense.depourense.es

As publicacións referidas se manterán durante un prazo mínimo de catro anos dende a realización da publicación, podendo, a partir dese prazo, ser suprimida de xeito motivado a publicación de oficio pola Deputación Provincial ou ben a solicitude dos interesados, dirixida ao responsable do tratamento. En todo caso, as solicitudes e ou resto de documentación obrante non expediente atoparase a disposición doutros interesados no procedemento para os efectos da formulación de reclamacións ou interposición de recursos que legalmente procedan contra o acto de resolución, e baixo a condición de que os datos de identidade persoal dos interesados non se poidan facer públicos.

d) A base xurídica do tratamento dos datos achegados coa solicitude é a necesidade deses datos para o cumprimento das obrigas legais que impón a lexislación xeral de subvencións, en tanto que Administración pública concedente (artigo 6.1.c) do Regulamento UE 2016/679) e, no caso dos datos para acreditación do cumprimento dos requisitos específicos da convocatoria e valoración de solicitudes, a necesidade deses datos para dar satisfacción á finalidade de interese público perseguida coa presente convocatoria (artigo 6.1.e) do Regulamento UE 2016/679).

e) Os datos subministrados á Deputación Provincial serán tratados polo persoal autorizado para a tramitación da solicitude, suxeitos a deber de reserva .

Estes datos poderán ser cedidos a terceiras persoas nos seguintes casos:

- Ao resto de solicitantes ou os seus representantes legais cando así ou reclamen para a formulación de reclamacións ou interposición de recursos contra o acto de adxudicación

- Aos membros da corporación que o soliciten, aos xulgados e tribunais, para os efectos da resolución dos recursos xudiciais que poidan interpoñerse contra a decisión de adxudicación, así como ao Ministerio Fiscal, Valedor do Pobo, Defensor do Pobo, Tribunal de Contas e Consello de Contas, na medida en que sexa necesario para ou exercicio das funcións destas autoridades públicas.

- Ás persoas que ou soliciten ao abeiro do disposto na Lei 19/2013, do 9 de decembro, de transparencia e bo goberno, previo expediente contradictorio con audiencia do interesado titular dous datos e nos termos previstos na dita lei.

f) En ningún caso transferiranse os seus datos persoais a un terceiro país nin a unha organización internacional.

g) Os datos subministrados conservaranse nos arquivos da Deputación Provincial de forma indefinida, para os únicos efectos da súa conservación conforme ao disposto na lexislación sobre arquivos do sector público e na lexislación sobre patrimonio documental cultural.

h) Os interesados poderán solicitar en todo momento da Presidencia da Deputación o acceso aos seus datos, así como a súa rectificación, de ser o caso. Poderá solicitarse a limitación do tratamento dúas ditos datos, referida á súa publicación, unha vez transcorrido ou prazo de catro anos previsto nas presentes bases. Poderá formularse igualmente a oposición ao tratamento dos datos, motivada pola situación particular do interesado, nos termos previstos non artigo 21 do Regulamento UE 2016/679.

Os dereitos sinalados neste apartado poderán exercerse mediante escrito dirixido á Presidencia da Deputación Provincial. De conformidade co disposto non artigo 20.3 do Regulamento UE 2016/679, non será de aplicación o dereito á portabilidade dos datos subministrados á Deputación Provincial neste procedemento.

i) En todo caso, os interesados poderán formular as reclamacións que considere oportunas en relación co tratamento dúas seus datos persoais ante a Axencia Española de Protección de Datos. j) A falla de subministración á Deputación Provincial dos datos persoais requiridos, ao constituír un requisito legal para a selección dos beneficiarios, dará lugar á exclusión dos interesados do procedemento.

k) En ningún caso procederase á adopción de decisións automatizadas nin á elaboración de perfís persoais cos datos subministrados, que non serán obxecto de tratamentos diferentes aos expresamente previstos nesta cláusula.

F) Control financeiro das subvencións.

Sen prexuízo das obrigas de xustificación impostas aos beneficiarios, as actuacións de prestación de servizos sociais comunitarios das entidades locais adheridas que constitúen o obxecto das subvencións previstas no presente Programa quedarán suxeitas ás actuacións de control financeiro que poida acordar a Intervención da Deputación, ao longo dos exercicios 2020 e 2021. O control financeiro incluírá actuación de supervisión e control das actividades subvencionadas, tanto no relativo a prestación dos servizos como á súa xestión e tramitación administrativa. Os controis serán realizados por persoal da Área de Benestar, baixo a dirección da Intervención provincial, conforme co establecido na Lei xeral de subvencións e, en función dos seus resultados, poderá dar lugar á apertura de expediente de reintegro no suposto en que ao seu través se detectase a concorrencia dalgunha das causas legais de reintegro previstas na lexislación vixente.

O sometemento a control financeiro das entidades adheridas ao programa poderá ter carácter xeral para todas elas ou ben limitarse a unha mostra aleatoria de cando menos dez entidades, que serán determinadas mediante sorteo realizado en acto público, cuxa celebración anunciarase coa debida antelación na sede electrónica da Deputación Provincial. O resultado do sorteo e o inicio das actuacións de control financeiro comunicaranse ás entidades afectadas cunha antelación mínima de quince días naturais respecto da data do inicio das actuacións inspectoras. En todo Intervención provincial dará conta á Presidencia tanto da decisión de someter a control financeiro o programa como do contido das actuacións realizadas.

G) Obrigas das entidades locais adheridas:

Sen prexuízo das obrigas establecidas con carácter específico e de sometemento ao control financeiro previsto nas bases xerais, as entidades adheridas estarán obrigadas a:

- a) Estar ao día nas súas obrigas tributarias estatais e autonómicas e coa Seguridade Social, con anterioridade a ditarse a proposta de resolución de concesión e realizar cada un dos pagos da subvención.
- b) Facilitarlles aos servizos da Deputación Provincial toda a información relativa ao funcionamento dos servizos sociais municipais que se lles demande. A negativa a facilitar esta información, ou a demora inxustificada no seu envío, dará lugar á exclusión da entidade local do presente Programa, coa conseguinte perda do dereito a cobro ou reintegro, segundo proceda, das subvencións percibidas ou concedidas ao seu abeiro, a cal será obxecto de declaración pola Presidencia da Deputación, trala tramitación previa do oportuno expediente contradictorio con audiencia da entidade interesada.

c) A identificar os servizos cofinanciados pola Deputación de Ourense, dende o momento en que se publique a resolución no Boletín Oficial da Provincia de Ourense. Transcorridos quince días dende esta publicación remitirase telematicamente á Deputación de Ourense fotografías no que conste a identificación do servizo/persoal como cofinanciado pola Deputación e que responderá ás normas de información e publicidade que se farán chegar pola Deputación de Ourense para que sexan observadas polas entidades que se adhiran a estes programas. O incumprimento das obrigas de publicidade dará lugar ao reintegro ou perda do dereito ao cobro da subvención, con carácter parcial, e ata un importe do 20 % da subvención concedida, determinándose de conformidade co principio de proporcionalidade e en atención á gravidade do incumprimento comprobado. A declaración da obriga de reintegro ou da perda do dereito ao cobro da subvención realizarase por resolución da Presidencia da Deputación, trala tramitación previa do oportuno expediente contradictorio con audiencia da entidade interesada.

II) Bases relativas á Acción 1: Equipos técnicos municipais de servizos sociais:

II.1 Obxecto:

En virtude desta actuación, a Deputación Provincial subvencionará a contratación ou nomeamento de profesionais titulados/as que se integren nas unidades de servizos sociais das entidades sociais que, segundo o previsto no Anexo II do Decreto 99/2012, do 16 de marzo teñan clasificación de Unidades de Traballo e Educación Social (UTES), ou Unidades Interdisciplinares de Intervención Social (UNIS).

A través do presente Programa, a Deputación subvencionará exclusivamente a contratación ou nomeamento dos/as profesionais titulados/as que se integren nas unidades de servizos sociais das entidades locais de menos de 20.000 habitantes que non sexan subvencionados pola Xunta de Galicia, conforme co previsto no artigo 47 do Decreto 99/2012, do 16 de marzo. No caso de adscricións de funcionario/a ou persoal laboral de concellos e/ou mancomunidades terá que estar en situación laboral de alta para poder ser subvencionado con cargo a este programa.

No contrato, ou na decisión formal de adscribir a persoal propio da entidade, deberá reflectirse a titulación do/a profesional (ou profesionais), así como a categoría profesional da persoa que se adscribe/contrata e as funcións que desenvolve dentro da/s unidade/s de servizos sociais.

Poderá xustificarse o custo laboral bruto dende o 1 de xaneiro de 2020. En todo caso, para o cobro da cantidade total asignada, terase en conta que o período de contratación pola entidade sexa, cando menos, de **6 meses no exercicio 2020 e en xornada superior ás 20 horas semanais**. No caso de que a duración do contrato fose inferior en tempo ou en xornada laboral realizarase un rateo da subvención aprobada para este concepto.

A subvención concedida pola Deputación de Ourense para a contratación/adscrición será incompatible con calquera outra concedida por outra administración pública para o cofinanciamento do mesmo contrato/retribución.

Os/as profesionais con contrato ou adscrición deberán formar parte do equipo municipal de servizos sociais comunitarios da entidade e desenvolver funcións relacionadas, o cal se documentará cun certificado da persoa titular da secretaría municipal no que conste que o/a profesional desenvolve funcións do ámbito dos servizos sociais municipais.

En concreto, serán beneficiarias de subvención as entidades locais (concellos ou mancomunidades) que se atopen clasificadas nos seguintes supostos conforme co Anexo I do Decreto 99/2012, do 16 de marzo, modificado polo Decreto 148/2014, do 6 de novembro

a) Entidades locais de áreas rurais de máis de 5.000 ata 12.000 habitantes e de áreas semiurbanas de máis de 10.000 e ata 15.000 habitantes : 1 técnico/a equivalente a un grupo A, subgrupo A2 -diferente ao/á traballador/a social- que complemente os servizos sociais e desenvolva a totalidade da súa xornada laboral dentro deste ámbito.

b) Entidades locais de áreas rurais de máis de 12.000 e menos de 20.000 habitantes e de áreas semiurbanas de máis de 15.000 e ata 20.000 habitantes : 1 técnico/a igual o equivalente a un grupo A, subgrupo A2, – diferente ao/á traballador/a social que desenvolva a totalidade da súa xornada laboral dentro da área de servizos sociais do concello ou mancomunidad, e 1 técnico/a igual ou equivalente a un grupo A, subgrupo A1 que desenvolva a totalidade da súa xornada laboral dentro da área de servizos sociais.

II.2. Contía da subvención:

O importe da subvención por profesional será equivalente ao módulos económicos previstos no artigo 47.3 do Decreto 99/2012 de 16 de marzo, polo que se regulan os servizos sociais comunitarios e a seu financiamento modificados por Orde de 13 de xullo de 2016 (D.O.G número 140 de 26 de xullo de 2016)

- Por cada técnico/a Grupo A, subgrupo A2 (UTES e UNIS): 16.815,00 euros.

- Por cada Técnico/a Grupo A, subgrupo A1 (UNIS): 20.229,00 euros.

O cadro de distribución das subvencións por entidades beneficiarias, cos importes correspondentes, figura como anexo I do Programa.

II.3. Xustificación e pagamento:

A xustificación realizarase do seguinte xeito:

a) Unha vez realizado o(s) contrato(s) ou nomeamento(s) do persoal técnico, o concello ou mancomunidade terá que introducir no sistema de xestión telemática os datos referidos a este contrato ou nomeamento, especificando categoría profesional, xornada de traballo, nome, apelidos e NIF, e o custo laboral previsto para estas persoas desagregando a retribución bruta e o custo de seguridade social con cargo á entidade local.

No suposto en que a entidade local xa dispuxese do persoal técnico obxecto de subvención con anterioridade ao 1 de xaneiro de 2020, farase constar esta circunstancia, considerándose que o persoal está contratado ou nomeado con data de 1 de xaneiro, para os efectos da xustificación da subvención.

Para a carga dos datos no sistema deberá utilizarse o modelo definido pola Deputación e que será descargado da propia plataforma informática. O sistema permitirá xerar a certificación final, que deberá remitirse telematicamente ao rexistro electrónico da Deputación ata o 15 de decembro de 2020, xunto cunha memoria descritiva dos servizos sociais efectivamente prestados segundo o modelo que figure na plataforma.

Para o libramento da subvención as entidades beneficiarias deberán presentar declaración responsable de non estar incurso nas prohibicións previstas no artigo 13 da lei 38/2003, de 17 de novembro, xeral de subvencións para obter a condición de beneficiario/a, substituindo esta declaración á presentación de certificacións na acreditación do cumprimento das obrigas tributarias e coa Seguridade Social por tratarse dun dos supostos previstos na letra e) do artigo 31.7 da Lei 9/2007, de 13 de xuño, de subvencións de Galicia. Esta declaración farase segundo o modelo do Anexo II que se pon a disposición pola Deputación de Ourense.

Excepcionalmente, no caso de que algunha circunstancia imposibilite a obtención dos citados datos de xeito automático ou tales datos non estean volcados na plataforma de intermediación de datos poderase solicitar ás persoas interesadas a presentación deles.

A recepción da certificación e a memoria equivalerá ao acto administrativo de declaración da xustificación da subvención, procedéndose no prazo máximo de 30 días naturais ao libramento do importe xustificado, que será o equivalente ao 30 % da contía máxima de subvención inicialmente prevista, agás que o contrato ou nomeamento do persoal técnico

tivese unha duración inferior, en tempo ou en xornada laboral tal como se recolle na base II.1, en cuxo caso o seu importe ratearase proporcionalmente de xeito automático.

b) O prazo de presentación da xustificación final terá carácter improrrogable, agás causa debidamente xustificada. En todo caso, a prórroga deberá solicitarse antes do 15 de decembro de 2020, e poderá concederse, sempre que se aprecie a concorrencia de causa xustificativa, como máximo ata o 1 de marzo de 2021. En ningún caso se concederá prórroga para un prazo vencido. Aquelas entidades que non presenten a xustificación no prazo previsto, sexa este o xeral previsto nestas bases ou excepcional outorgado tras unha petición razoada, terán unha penalización equivalente o 30% da subvención no caso de que finalmente xustifiquen a subvención, ao abeiro do previsto no artigo 70.3 do Regulamento da Lei Xeral de Subvencións.

III. Bases relativas á Acción 2: Asistencia técnica e xurídica aos servizos sociais municipais.

O equipo técnico provincial de servizos sociais integrarase por empregados/as públicos ao servizo da Deputación Provincial, que operarán baixo a dependencia da Área de Benestar e realizarán labores de coordinación e apoio aos equipos municipais e mancomunais, comprendendo a prestación de asesoramento e emisión de informes técnicos e xurídicos en materia de servizos sociais. Este servizo prestarase en función dos medios dispoñibles pola Deputación Provincial en cada momento, e dirixirase prioritariamente ás entidades locais correspondentes a áreas rurais de menos de 5.000 habitantes e áreas rurais de elevada dispersión.

Estas prestacións serán gratuítas para os concellos e mancomunidades, sendo por conta da Deputación todos os custos salariais e de seguridade social do persoal así como as indemnizacións por desprazamento e manutención, se é o caso. Non obstante, a prestación do servizo non implicará necesariamente o desprazamento do persoal provincial á entidade local, agás cando sexa estritamente necesario.

As prestacións de asistencia técnica planificaranse de oficio dende a Deputación Provincial en atención ás demandas e necesidades formuladas polos concellos e mancomunidades.

Anexo I

Entidade Local Prestadora SSCM	Unidade Técnica	Área	Grupo A Subg. A2	Módulo Económico	Grupo A Subg. A1	Módulo Económico	Total Entidade
Allariz	UTES	RURAL 28	1,0	16.815,00 €			16.815,00 €
Barbadás	UTES	SEMIURB. 9	1,0	16.815,00 €			16.815,00 €
Barco de Valdeorras, O	UNIS	RURAL 31	1,0	16.815,00 €	1,0	20.229,00 €	37.044,00 €
Carballiño, O	UNIS	RURAL 25	1,0	16.815,00 €	1,0	20.229,00 €	37.044,00 €
Mancomunidade de Verín	UTES	RURAL 30	1,0	16.815,00 €			16.815,00 €
Mancomunidade do Carballiño	UTES	RURAL 25	1,0	16.815,00 €			16.815,00 €
Mancomunidade do Ribeiro	UTES	RURAL 26	1,0	16.815,00 €			16.815,00 €
Mancomunidade Santa Águeda	UTES	RURAL 24	1,0	16.815,00 €			16.815,00 €
Mancomunidade Terras de Celanova	UNIS	RURAL 27	1,0	16.815,00 €	1,0	20.229,00 €	37.044,00 €
Pereiro de Aguiar, O	UTES	RURAL 24	1,0	16.815,00 €			16.815,00 €
Ribadavia	UTES	RURAL 26	1,0	16.815,00 €			16.815,00 €
Verín	UNIS	RURAL 30	1,0	16.815,00 €	1,0	20.229,00 €	37.044,00 €
Xinzo de Limia	UTES	RURAL 29	1,0	16.815,00 €			16.815,00 €

Anexo II

Declaración responsable de non estar incurso en prohibicións para obter a condición de beneficiario de subvencións e de estar ao corrente das obrigacións tributarias e coa seguridade social e no pago de obrigacións por reintegro de subvencións

D/Dona.....,
NIF....., en nome propio, ou en representación da entidade
....., NIF.....,

En virtude do disposto no artigo 69 da Lei 39/2015, do 1 de outubro, do procedemento administrativo común das administracións públicas e considerando os apartados 2 e 3 do artigo 13 da Lei 38/2003, do 17 de novembro, xeral de subvencións, así como as bases reguladoras da presente convocatoria de subvencións que establecen un réxime simplificado de acreditación destas circunstancias ao abeiro do disposto no artigo 31.7 da Lei 9/2007, do 13 de xuño, de subvencións de Galicia, **declara responsablemente** ante a Deputación Provincial de Ourense, e para os efectos de acreditar o cumprimento dos requisitos esixidos para ser beneficiaria da subvención solicitada e posteriormente proceder ao cobro desta,

PRIMEIRO: Que non se atopa incurso en ningún dos supostos establecidos no artigo 13, apartados 2 e 3, da Lei 38/2003, do 17 de novembro, xeral de subvencións.

SEGUNDO: Que se atopa ao corrente no pago das obrigacións tributarias e coa Seguridade Social, así como no pago das obrigacións por reintegro de subvencións, **comprometéndose a manter o cumprimento das anteriores obrigacións durante o período de tempo inherente ao recoñecemento ou exercicio do dereito ao cobro da subvención**, de acordo co disposto no artigo 31.7 da Lei 9/2007, do 13 de xuño, de subvenciones de Galicia co artigo 69.1 da Lei 39/2015, así como a acreditalo en calquera momento no que lle sexa requirido polo órgano que concede a subvención.

Manifesto que quedo informado da obrigación de comunicarlle á Deputación Provincial de Ourense calquera variación que puidera producirse no sucesivo respecto ao anteriormente manifestado, e para que así conste, asina a presente declaración,

En _____, o _____ de _____ de _____.

Asdo.:

Ourense, ... de de 201....

2º.- Someter a trámite de información pública, mediante anuncio publicado no Boletín Oficial da Provincia de Ourense, as bases inicialmente aprobadas polo prazo de 10 días hábiles, conforme co establecido no artigo 10 da Ordenanza xeral de subvencións da Deputación Provincial de Ourense, durante os cales as entidades interesadas poderán formular as alegacións ou suxestións que consideren oportunas, que serán resoltas expresamente polo Pleno. No caso de non formularse alegacións en prazo, entenderase elevado a definitivo o acordo de aprobación provisional.

3º.- MOCIÓN CONXUNTA DO GRUPO POPULAR, DEMOCRACIA OURENSANA E CIUDADANOS PARA DEFENSA DOS SERVIZOS DO HOSPITAL DE VERÍN E A REPROBACIÓN DO PORTAVOZ DO GRUPO SOCIALISTA.-

A **presidenta da comisión** dá lectura ao contido íntegro da moción.

D.ª Montserrat Lama Nóvoa, portavoz de Ciudadanos-Partido de la Ciudadanía, lembra que na Xunta de Portavoces do Pleno de novembro o deputado provincial e portavoz do Grupo Socialista intentou utilizar un problema social para sacar réditos políticos, sen importarlle para isto utilizar mentiras e manipulacións. Lembra que o seu grupo levou unha declaración á dita Xunta de Portavoces para consensuar entre todos os grupos, que foi rexeitada por diferentes motivos, lembrando que en política non todo vale e que Ciudadanos non vai permitir que se utilice a mentira para facer política nun tema de tanta relevancia social como a sanidade pública, que debe ser defendida por todos.

D. Bernardo Varela López, portavoz do BNG, pide sentido e cordura neste debate. Lembra que o realmente importante é que a Xunta de Galicia vai pechar o paritorio do Hospital de Verín e que os responsables deste peche son o presidente da Xunta de Galicia e o conselleiro de Sanidade, de aí a emenda de substitución que presenta, xa que estas dúas persoas si deben ser reprobadas. Manifesta a súa disposición a retirar a dita emenda de substitución se os grupos proponentes retiran o apartado segundo relativo á reprobación do portavoz do Grupo Socialista, para que haxa acordo unánime sobre o realmente importante e mandar unha mensaxe clara para os cidadáns de que o paritorio do Hospital de Verín se debe reabrir en boas condicións e que os culpables da actual situación están na Xunta de Galicia.

D. José Miguel Caride Domínguez, portavoz de Democracia Ourensana, fai súas as palabras da deputada de Ciudadanos, indicando que a reprobación do portavoz do Grupo Socialista se xustifica pola actuación que tivo nas redes sociais con posterioridade ao dito Pleno, manipulando o que alí se debateu e votou. En todo caso indica que Democracia

Ourensana non ten inconveniente en que o segundo apartado da moción, relativo á reprobación, se votase de forma separada ou incluso nunha moción alternativa, pero mantén a vontade do seu grupo de aprobar a dita reprobación pola falta de lealdade institucional mostrada por don Rafael Rodríguez Villarino.

D.^a Elvira Lama Fernández, do Grupo Socialista, indica que está de acordo coa proposta do BNG e que a moción que se debate poder dar lugar perfectamente a dous acordos separados. Lembra que no Pleno de novembro, en relación coa moción presentada polo Grupo Socialista para a defensa da sanidade no Hospital de Valdeorras e PACs da provincia o Grupo Popular presentou unha emenda de substitución que non era máis que un brinde ao sol e que nese momento, ante a situación que se estaba producindo no Hospital de Verín se presentou a emenda in voce para incluír o dito punto, ao que o Grupo Popular se opuxo. Coincide en que o realmente importante é a defensa do mantemento do paritorio no Hospital de Verín e que incluso estarían dispostos a que se reprobe ao portavoz do Grupo Socialista se con iso se consegue o obxecto de que se reabra o paritorio. Engade que na súa opinión é moi loable a posición do Partido Popular de Ourense que claramente se opón á decisión do presidente da Xunta, que leva varios días falando de criterios científicos e estudos de expertos, pero aínda non se facilitaron datos que os corroboren. Por último invita ao grupo propoñente a que se fagan dúas mocións independentes, indicando que o seu grupo reservará o voto para o Pleno.

A **presidenta da comisión** indica que o seu grupo mantén a postura expresada na moción, se ben quere facer dúas puntualizacións. En primeiro lugar lembra que o portavoz do Grupo Socialista publicou nas redes sociais as fotografías con nomes e apelidos dos deputados e deputadas do Grupo Popular, Democracia Ourensana e Ciudadanos, mandando a mensaxe manipulada de que votaran en contra de opoñerse ao peche do paritorio do Hospital de Verín. En segundo lugar, indica que o seu grupo xa se manifestou estes días en contra do dito peche, que da Deputación debería saír unha mensaxe clara de todos os grupos.

D.^a Montserrat Lama Nóvoa, portavoz de Ciudadanos-Partido de la Ciudadanía, volve insistir na actitude desprezable do portavoz do Grupo Socialista, indicando que ela e o seu grupo defenderán sempre a verdade e que se negará a facer ese tipo de política manipuladora que fixo o portavoz do Grupo Socialista. Engade que ela tampouco tería problema en votar por separado as dúas propostas de acordo da moción, ou que se tramiten como dúas mocións independentes.

D. Bernardo Varela López, portavoz do BNG, súmase á posibilidade do voto separado ou de dúas mocións.

A **presidenta da comisión** manifesta que ao non estar na comisión o portavoz do Grupo Popular nin a totalidade dos deputados/as van manter a moción tal e como foi presentada, sen prexuízo de que na Xunta de Portavoces se poidan adoptar outros acordos para a inclusión das propostas da moción na orde do día do Pleno.

O **Sr. vicesecretario** manifesta que a votación separada sería posible se así o permiten os tres grupos propoñentes da moción e que, igualmente, sería posible presentalas como dúas mocións separadas se todos os grupos propoñentes así o acordan. En todo caso como o Grupo Popular manifestou a súa postura de mantela así, débese votar a moción orixinal e a emenda de substitución do BNG, sen prexuízo de que na Xunta de Portavoces que chegue a algún acordo diferente para o tratamento desta moción no Pleno.

D. Bernardo Varela López, portavoz do BNG, dá conta da emenda de substitución do seu grupo, indicando que se alguén merece ser reprobado son o presidente da Xunta e o conselleiro de Sanidade, que son os principais responsables do peche.

D.^a Montserrat Lama Nóvoa, portavoz de Ciudadanos-Partido de la Ciudadanía, respecto á emenda de substitución indica que posiblemente a reprobación tamén sexa merecida, se ben o feito de que se presente como unha emenda de substitución da reprobación proposta á actitude do portavoz do Grupo Socialista fai que teña que votar en contra.

D. José Miguel Caride Domínguez, portavoz de Democracia Ourensana, indica igualmente que é posible que a reprobación proposta na emenda do BNG tamén sexa merecida, se ben, por diferentes motivos aos que propón a moción conxunta de PP, Ciudadanos e Democracia Ourensana, polo que ao presentarse como unha emenda de substitución tamén votará en contra.

D.^a Elvira Lama Fernández, do Grupo Socialista, indica que a actitude dos grupos propoñentes non fai máis que matar ao mensaxeiro, xa que parece que lles importa máis a reprobación que o obxectivo que debe ser o realmente imporante, que é o de frear o peche do paritorio do Hospistal de Verín.

A **presidenta da comisión** manifesta que a súa posición é a que figura na moción presentada, polo que van votar en contra da emenda de substitución.

Tras un breve debate sobre a noticia publicada na prensa en horas anteriores á comisión, sobre a oferta de emprego público do SERGAS no que figuran dúas prazas de pediatría para o Hospital de Verín, conclúese o dito debate.

Non se producen máis intervencións someténdose a votación en primeiro lugar a emenda de substitución presentada polo BNG que resulta rexeitada ao obter o voto favorable do BNG (1), a abstención do Grupo Socialista (3) e o voto en contra do Grupo Popular (5), de Democracia Ourensana (1) e de Ciudadanos-Partido de la Ciudadanía (1).

A continuación sométese a votación a moción, e co voto favorable do Grupo Popular (5), de Democracia Ourensana (1) e de Ciudadanos-Partido de la Ciudadanía (1) e o voto en contra do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Pedirlle á Consellería de Sanidade que dote, manteña e mellore os servizos que se viñan prestando no Hospital Comarcal de Verín para garantir a calidade asistencial da veciñanza no oriente ourensán, nomeadamente do servizo de paritorio.

2º.- Reprobar ao portavoz do Grupo Provincial Socialista, don Rafael Rodríguez Villarino, pola súa desprezable práctica política de manipulación, mentira e insulto que ven de facer como representante do PSdeG-PSOE na Corporación Provincial, e nomeadamente polo rexeitable rédito político que está a procurar cun tema de tanta sensibilidade social como o peche do paritorio do Hospital Comarcal de Verín.

3º.- Darlles traslado destes acordos á Presidencia da Xunta de Galicia, á Consellería de Sanidade, á dirección do Sergas, á Xerencia do CHUOU, aos profesionais médicos e sanitarios do Hospital de Comarcal de Verín e aos colexios profesionais de médicos e enfermería de Ourense, así como aos concellos, partidos políticos con representación municipal e axentes sociais e económicos das zonas afectadas.

4º.- MOCIÓN DO BNG POLO DEREITO A NACER, TRABALLAR E MORRER NA PROVINCIA DE OURENSE DIGNAMENTE.-

D. Bernardo Varela López, portavoz do BNG, dá conta do contido da moción, indicando que na convocatoria se excluíu a palabra “dignamente” que figura na moción e que considera moi relevante xa que lle dá sentido ás propostas da moción.

Tras breves intervencións dos portavoces dos grupos, onde consideran moi apropiado o contido da moción, xa que son declaracións facilmente asumibles por todos, se ben os

portavoces de Democracia Ourensana e do Grupo Socialista manifestan que é demasiado xenérica, conclúese o debate.

Non se producen máis intervencións, e co voto favorable do BNG (1) e de Ciudadanos-Partido de la Ciudadanía (1) e a abstención do Grupo Popular (5), do Grupo Socialista (3) e de Democracia Ourensana (1), a comisión ditamina favorablemente a adopción, por parte do Pleno, do seguinte acordo:

1º.- A Deputación Provincial de Ourense esíxelle á Xunta de Galiza o compromiso de manter e reforzar todos e cada un dos servizos públicos que son da súa competencia, concretamente nos ámbitos sanitario, da mobilidade, educacional, da dependencia, xustiza, agrogandeira, , como único xeito válido de amosar o seu respaldo á nosa cidadanía.

2º.- A Deputación Provincial de Ourense esíxelle ao Goberno de España un financiamento xusto e equitativo para as súas entidades locais, con regras obxectivas que teñan en conta a dispersión poboacional e o avellentamento, como criterios para a dotación de servizos. E como lle require estes criterios de equidade ao Estado comprométese a aplicalos para os seus propios recursos.

3º.- A Deputación Provincial de Ourense comprométese a elaborar, coa colaboración de todos os grupos políticos e os seus amplos recursos técnicos, un verdadeiro plan de desenvolvemento provincial que se fixe como obxectivo prioritario a captación de empresas que xeren postos de traballo e especialmente daquelas que poñan en valor os inxentes recursos dos que dispón o noso territorio.

5º.- MOCIÓN DE URXENCIA.- Non se presentan.

6º.- ROGOS E PREGUNTAS.- A **presidenta da comisión** entrégalle por escrito a resposta pendente da anterior comisión ao Grupo Socialista, sobre os datos do Programa Chegou, desagregados por concellos.

E, ás 18.10 horas, dáse por finalizada a reunión, redactándose a presente acta que se asinará electronicamente. Dou fe.

